

Plenchi

Bèl a bati

Tring tring nos ta kla pa subi plenchi pa nos “Nos dos por bati bai” riba nos plenchi di skol. Esta un tumba, meresidamente ganá. Ban plama palabranan positivo e karnaval aki. Palabranan di union i pas. Ban ekspresá nos kultura ku respèt pa nos mes i tur rondó di nos. Tur loke nos ta hasi, hasie ku dignidat i sin pasa strepi.

Pabien Tico nos ta orguyoso di bo. Bien berde yu di un mama ku tabata maestra di skol i kasá ku un maestra tambe. Lanta for di un famia kaminda norma i balornan ta haltu. Sigui plama palabranan di bendishon i amor. Plama positivismo den nos aire pa asina limpia i purifiká nos ambiente di palabranan i ambiente negativo.

Manera semper nos ta ripiti, gosa karnaval na midí. No hasi ku otro loke bo no ke pa hasi ku bo.

Den agènda

Fakansi di skol

1 februari manisé di marcha hubenil

8 te 14 februari relashoná ku marcha grandi

Not'é riba bòrchi

Awe nos ta trese e letranan di e tumba ganadó di Tico Balentien.

Nos Dos ta bati bai

Koro: Na mi Kurason bo ta: Primimi

Koro: Na mi Kurason bo ta: Namorami

Koto: Na mi Kurason bo ta: Hasi dushi

Koro: Na mi Kurason bo ta: Nos dos

Karnaval i Yu'i Kòrsou forsa di dos

Pa un bon union den kas mester di dos

Koro: Nos dos a bati kabes grandesé nos kos

Karnaval semper b'a sa di uni nos

A'te ora ku nos stima traha huntu den union

Duna man na un ku otro sin importa ta kua di dos

Tin purá tin purá: mira nos dos

Riba man riba man: Trabou di dos

Fantasia tei broma: mira nos dos
Bunitesa tei bria: trabou di dos

Dos sabio k'a kana kaya
Huntu ta wak mayan
Hubentut futuro ta di bo
Usa bo dos plaka di sinti

Koro-At'a nos dos:
Ban tene man
Ban brasa otro
Ban baila tumba
Ban bati bai

Koro: Bati Bati nos dos, Kana Kana nos dos

Foi apertura, te kima Momo
Foi Santa Maria, te Otrobanda
Nos ta bati bati bai, nos ta kana kana bai
Ban brasa otro, i baila Tumba
Mustra nos grandesa, Fantasia di nos fiesta
Eskai ta nos fiesta, huntu nos ta bai
Hisa bo mannan na laira, ku e señal di pas
Hisa bo mannan na laira, mustrando e señal di pas

Duná mi seña di pas (Koro: Hise pa mi, waye awo, waye hee)
Duná mi seña di amor
Un sunchi di Kurason
Union di nos dos

Tené mi pa nos ban, brasami pa nos ban
Foi apertura, te kima momo
Foi Santa Maria, te Otrobanda
Dos pia ta kana bai, kuater pia den union
Nos ta bati bati bai, nos ta kana kana bai

Tata grandi Celestial manda bo forsa
Awor Noblesa i sobèrbè tei duna man

Koro: Na mi Kurason bo ta: Primimi
Koro: Na mi Kurason bo ta: Namorami

Koto: Na mi Kurason bo ta: Hasi dushi
Koro: Na mi Kurason bo ta: Ai mi Amorr
Koro: Na mi Kurason bo ta: Mi pueblo
Koro: Na mi Kurason bo ta: Ban gosa hunt
Koro: Na mi Kurason bo ta: Ata nos fiesta
Koto: Na mi Kurason bo ta: e Amor di dos

Hisa dos dede ban pidi pas
Zwai bo mannan den viktor
Piska den awa, u'n ta riba mesa
Awe hunt ban piskeeee

Estrillo:

Koro: Nos dos ta bati bai

Pregon:

Kòrsou, Karnaval basha bin masal
Positivo, bo ta na ore sali kas
Zwai drai bo man ke señal di pas
Si mundu mira nos ta viktor pa Kòrsou

Un prechi

Alumno di aña di Maris Stella SBO

Rudy Petit Frere a risibí su sertifikado di alumno di aña. Semper Rudy a demostrá perseveransha. EL a logra su diploma asistente di Horeca pa despues a sigui ku estudio pa kòki. El a sali ganadó di Kòki riba Kòki den 2014. E ta stagaire aktualmente na e prestigioso restorant BOASE. Pabien Rudy, good job.



Rudy Petit Frere

Alumno di aña di Eligia Martir SBO

Sergio Lodrigues ta kiper den klup Scherpenheuvel i a representá Korsou den turneo internashonal. Na skol e ta ehemplar i semper tumando e ròl di lider pa yuda positivamente. Den internat e ta un lider pa apoyá i stimulá hóbennan. Skol ta orguyoso di Sergio i ta kontentu ku su presashonnan den skol i na stazje. Pabien Sergio



Sergio Lodrigues

Alumno di aña di Regina Pacis

Jennifer Mathilda ta un hóben respetuoso i masha disipliná. E ta klá pa yuda ora e mira e oportunitat. Pabien Jennifer.



Jennifer Mathilda

Alumno di aña frater Evonnuis school

Solange Curiel a Sali e alumno di aña di skol. E ta ehempel pa otro alumnonan. E ta perserverá i ta komportá bon. Pabien SOLange



Solange Curiel

Alumno di aña di Glorieux College

Kadiria Thomas a bin Korsou aña pasa. E no por a papia paiamentu ni hulandes. Awor e ta un ku ta skor mihó den klas. E ta gusta siña i semper ta puntra pa mas tarea pa e trein. Pabien Kadiria.



Kadiria Thomas

Alumno di aña di Mgr Niewindt College

Myshanoë Shazney Danielle Lau-A-Kien. Un hóben ku tin hopi energia ku e ta usa positivamente, na skol, na misa I den scouting. Pabien Myshanoë.



Myshanoë Shazney Danielle Lau-A-Kien

Alumno di aña di Kolegio San Dominico

Marvienne Martis ta motivá i disciplina. E ta hasi su bèst na skol. Na misa tambe e ta kumpli ku e bunita responsabilidadat di sirbidó.



Marvienne Martis

Alumno di aña di John F. Kennedy school

Rayshevienty Rifaela ta un ehempel ku maske bo tin un desabilidad físiko bo por logra hopi. E ta amabel I gusta yuda I ta partisipá na tur aktividat di skol, hasta gym. Skol ta orguyoso di Rayshevienty Rifaela.



Rayshevienty Rifaela

Mucha djispou

Farley ta yega serka su direktor na skol despues ku su maestra a saké for di klas paso e ta onbeskop.

Direktor: “kiko bo a hasi Farley?”

Farley: “ma hasi uso di mi derecho di keda ketu pa mi no ta irespetuoso.

Direktor: “Oh, bo por splika. Paso ami a komprondé ku bo no ta respetuoso, bo no ta kontestá niun pregunta di bo maestra.”

Farley: “Klaro ku no, kiko mener lo kontestá riba e preguntanan den e siguiente sekuensia? Kon bin bo so a haña 9 i tur otro mucha a traha e tuts malísimo? Bo a haña e blachi di tuts di antemano serka direktor òf sekre òf bo a spiek?”

Direktor: “Kkkkikkkkooooo”